



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 765, Datë 22.01.2021

“Mbi zbatimin e VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore” për ndërmarrjen Florfarma SHPK”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Znj. Adriana BERBERI	Anëtar
Z. Eduard YPI	Anëtar

Në mbledhjen e tij të datës 22.01.2021, shqyrtoi çështjen me:

Objekti: Mbi zbatimin e VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore” për ndërmarrjen Florfarma SHPK.

Baza Ligjore: Neni 24, shkronja (d), neni 26, neni 44, neni 67, neni 74, pika 1, germa (b), neni 75, pika 1 dhe neni 76, të Ligjit nr. 9121, datë 28.07.2003 “Për mbrojtjen e konkurrencës”, i ndryshuar (Ligji nr. 9121/2003), Ligji nr. 44/2015 “Kodi i Procedurave Administrative i Republikës së Shqipërisë”.

Komisioni i Konkurrencës, pas shqyrtimit të relacionit të Sekretarit të Përgjithshëm mbi vlerësimin e zbatimit të VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”.

VËREN SE :

- 1- Komisioni i Konkurrencës me Vendimin nr. 684, datë 18.03.2020 “Për hapjen e hetimit paraprak në tregun e shitjes me shumicë dhe me pakicë të materialeve paramjekësore”, vendosi hapjen e procedurës së hetimit paraprak në tregun e shitjes me shumicë dhe me pakicë të materialeve paramjekësore, për të parë nëse ka, ose jo, shenja të kufizimit të konkurrencës.
- 2- Komisioni i Konkurrencës me vendimin nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me

pakicë të materialeve paramjekësore”, vendosi:

- i. Marrjen e masës së përkohshme si vijon:
 - a. Ndalimin e sjelljes së ndërmarrjeve që veprojnë në rrjetin e tregtimit me shumicë dhe pakicë (importues, depo farmaceutike dhe farmaci) të materialeve paramjekësore, të cilat në mënyrë të drejtpërdrejtë apo të tërthortë vendosin çmime apo kushte të padrejta tregtimi.
 - b. Me qëllim shmangien e abuzimit në zinxhirin e tregtimit, detyrimin e të gjitha ndërmarrjeve që veprojnë në tregun e importit dhe shitjes me shumicë të materialeve paramjekësore të jenë transparent në vendosjen e çmimit të shitjes së materialeve dezinfektant, alkool dhe maska.
 - c. Aplikimin e çmimeve të orientuara drejt kostos dhe publikimit e tyre në faqet zyrtare të internetit të ndërmarrjeve apo në kanalet e tjera të komunikimit.
 - ii. Masa e përkohshme merret për një periudhë kohore deri në përfundim të procedurës hetimore.
 - d. Në rast të moszbatimit të vendimit për masa të përkohshme të cituara në pikën (1) të këtij vendimi, ndërmarrjet që do të konstatohen në shkelje ndëshkohen me gjobë deri në 10 % të xhiros vjetore për shkelje të rëndë të konkurrencës në zbatim të nenit 74, pika 1, germa b) të ligjit nr. 9121/2003.
- 3- Komisioni i Konkurrencës, me Vendimin nr. 716, datë 15.10.2020 “Për hapjen procedurës së hetimit të thelluar ndaj disa ndërmarrjeve në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel-dezinfektues, në tregun e importit dhe tregtimit me shumicë të termometrave” vendosi hapjen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel-dezinfektues, në tregun e importit dhe tregtimit me shumicë të termometrave
- 4- Me qëllim realizimin e një analize të plotë të ndërmarrjeve të cilat sipas monitorimit janë konstatuar se ushtrojnë aktivitet në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel-dezinfektues, në tregun e importit dhe tregtimit me shumicë të termometrave, vlerësohet se është e nevojshme hapja e procedurës së hetimit të thelluar edhe ndaj ndërmarrjeve Capital Group SHPK, Florfarma SHPK, Euromed SHPK, Aquarius Medical SHPK, New Medical Plus SHPK, Fedos SHPK dhe Winpharma SHPK.
- 5- Për këto arsye, KK bazuar në nenin 4, nenin 24, shkronja (d) dhe nenin 43 të ligjit nr. 9121, datë 28.07.2003 “Për mbrojtjen e konkurrencës”, i ndryshuar, me VKK nr. 752, datë 03.12.2020 “Për një shtesë në vendimin e Komisionit të Konkurrencës nr. 716, datë 15.10.2020 “Për hapjen procedurës së hetimit të thelluar ndaj disa ndërmarrjeve në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel-dezinfektues, në tregun e importit dhe tregtimit me shumicë të termometrave””, vendosi në pikën “1”, shtohen ndërmarrjet Capital Group SHPK, Florfarma SHPK, Euromed SHPK, Aquarius Medical SHPK, New Medical Plus SHPK, Fedos SHPK dhe Winpharma SHPK.

- 6- Bazuar në Autorizimet e Komisionit të Konkurrencës nr. 110/44 prot., datë 24.8.2020 dhe nr. 110/50 prot., datë 19.10.2020, u krye inspektim pranë ndërmarrjes Florfarma SHPK.
- 7- Sipas procesverbalit për marrje shpjegimesh me pyetje-përgjigje në përputhje me nenin 35 dhe 36 të ligjit nr. 9121, datë 28.7.2003 “Për mbrojtjen e konkurrencës”, i ndryshuar, u morën në dorëzim dokumentat dhe provat materiale të kërkuara nga grupi i inspektimit.
- 8- Të dhënat e siguruara në formë fizike dhe elektronike, u përpunuan nga inspektorët e Autoritetit të Konkurrencës, duke krahasuar deklaratat e subjektit me shit-blerjet e realizuara nga kjo ndërmarrje. Bazuar në të dhënat e administruara gjatë inspektimit, rezulton se ndërmarrja Florfarma SHPK:
- 9- Ka realizuar prodhim dhe shitje vetëm të produktit alkool 70% (*ALKOOL 0.1 LIT 70% dhe ALKOOL 1 LIT 70%*) për periudhën janar – nëntor 2020 me një total shitjesh prej 76 838 njësi.
- 10- Ka realizuar shitje të produktit *Alkool 1L 70%* me një total prej 17 709 njësi në periudhën janar- nëntor 2020. Në janar 2020 nuk rezulton se është prodhuar por produkti gjatë këtij muaji është shitur mesatarisht me 190.7 lekë/njësi. Në shkurt 2020 është prodhuar me 159.2 lekë/njësi dhe është shitur mesatarisht me 205.6 lekë/njësi. Në mars 2020 është prodhuar me 205.5 lekë/njësi dhe është shitur mesatarisht me 243.8 lekë/njësi. Në prill 2020 është prodhuar me 349.3 lekë/njësi dhe është shitur mesatarisht me 267.3 lekë/njësi. Në maj 2020 nuk rezulton se është prodhuar por produkti gjatë këtij muaji është shitur mesatarisht me 390.4 lekë/njësi dhe në qershor 2020 nuk rezulton se është prodhuar por produkti gjatë këtij muaji është shitur mesatarisht me 381.9 lekë/njësi. Në korrik 2020 është prodhuar me 249.1 lekë/njësi dhe është shitur mesatarisht me 390.1 lekë/njësi. Në gusht 2020 është prodhuar me 249.1 lekë/njësi dhe është shitur mesatarisht me 391.5 lekë/njësi. Në shtator 2020 është prodhuar me 249.1 lekë/njësi dhe është shitur mesatarisht me 382.5 lekë/njësi. Në tetor 2020 nuk rezulton se është prodhuar por produkti gjatë këtij muaji është shitur mesatarisht me 392.6 lekë/njësi dhe në nëntor 2020 nuk rezulton se është prodhuar por produkti gjatë këtij muaji është shitur mesatarisht me 394.4 lekë/njësi. Për produktin *Alkool 1L 70%* konstatohet rritje e çmimit përgjatë periudhës janar – nëntor 2020.
- 11- Ka realizuar prodhim dhe shitje të vetëm të produktit gel dezinfektant me emërtim tregtar “Bactiflor” (*BACTIFLOR 95 ML dhe BACTIFLOR 1 LITER*) për periudhën janar – nëntor 2020 me një total shitjesh prej 60 977 njësi.
- 12- Ka realizuar shitje të produktit *BACTIFLOR 1L ML* me një total prej 18 961 njësi në periudhën janar- nëntor 2020. Në janar 2020 nuk rezulton se është prodhuar por produkti gjatë këtij muaji është shitur mesatarisht me 458.3 lekë/njësi. Në shkurt 2020 është prodhuar me 333.9 lekë/njësi dhe është shitur mesatarisht me 451.4 lekë/njësi. Në mars 2020 është prodhuar me 380.8 lekë/njësi dhe është shitur mesatarisht me 505 lekë/njësi. Në prill 2020 është prodhuar me 441.8 lekë/njësi dhe është shitur mesatarisht me 529.3 lekë/njësi. Në maj 2020 nuk rezulton se është prodhuar por produkti gjatë këtij muaji është shitur mesatarisht me 550.7 lekë/njësi. Në qershor 2020 nuk rezulton se është prodhuar por produkti gjatë këtij muaji është shitur mesatarisht me 556.6 lekë/njësi. Në korrik 2020 është prodhuar me 366.6 lekë/njësi dhe është shitur mesatarisht me 594.2

lekë/njësi. Në gusht 2020 është prodhuar me 366.6 lekë/njësi dhe është shitur mesatarisht me 550.7 lekë/njësi. Në shtator 2020 është prodhuar me 366.6 lekë/njësi dhe është shitur mesatarisht me 598.9 lekë/njësi. Në tetor 2020 ky produkt nuk rezulton se është prodhuar por produkti gjatë këtij muaji është shitur mesatarisht me 599.1 lekë/njësi dhe në nëntor 2020 ky produkt nuk rezulton se është prodhuar por produkti gjatë këtij muaji është shitur mesatarisht me 596.5 lekë/njësi. Për produktin *BACTIFLOR 1L ML* konstatohet rritje e çmimit përgjatë periudhës janar – nëntor 2020.

13- Ndërmarrja Florfarma SHPK nuk ka realizuar shitje të produktit maskë për periudhën janar – nëntor 2020.

PËR KËTO ARSYE:

Komisioni i Konkurrencës, bazuar në nenin 24 germa d, nenin 26, nenin 42, nenin 44, nenin 74, pika 1, germa (b), dhe nenin 75 pika 1 të ligjit nr. 9121, datë 28.07.2003 “Për mbrojtjen e konkurrencës”, i ndryshuar,

VENDOSI:

- I. Gjobitjen e ndërmarrjes Florfarma SHPK për moszbatim të masës së përkohshme sipas VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”, përkatësisht në shumën 1 000 000 (një milion) Lekë.
- II. Detyrimin e ndërmarrjes Florfarma SHPK të zbatojë nenin 4 të ligjit nr. 9121, datë 28.7.2003 “Për mbrojtjen e konkurrencës”, i ndryshuar.
- III. Ngarkohet Sekretari i Përgjithshëm për zbatimin e këtij vendimi dhe njoftimin e palëve të interesuara.

Ky vendim hyn në fuqi menjëherë.

KOMISIONI I KONKURRENCËS